



SINDIKAT BH TELECOMA-SARAJEVO
 - VIJEĆE ZAPOSLENIKA -
 Zmaja od Bosne 88 71000 Sarajevo; Bosna i Hercegovina
 Tel: +38733 654067 ; Fax : +38733 654050
 Mail : sindikat@bhtelecom.ba

Na osnovu članova 11, 50, 53 i 88 Statuta Sindikata BH Telecoma i člana 12 Pravilnika o finansijsko-materijalnom poslovanju Sindikata BH Telecoma, Sindikalni odbor OSO Direkcije Sarajevo, na sjednici održanoj **05.01. 2017. godine donosi**

P R A V I L N I K

o formiranju i radu Fonda solidarnosti za liječenje

I OPŠTE ODREDBE

Član 1.

Ovim Pravilnikom uređuje se način formiranja i funkcionisanja posebnog Fonda solidarnosti za liječenje Sindikata BH Telecom OSO Direkcije Sarajevo (u daljem tekstu Fond solidarnosti), utvrđuje se; sticanje, raspoređivanje, korištenje i kriteriji; propisuje se način podnošenja zahtjeva za ostvarivanje prava za dodjelu pomoći (lica koja imaju pravo na pomoć); kontrola nad sredstvima Fonda, kao i druga pitanja koja su u vezi sa realizacijom prava članova Fonda na dodjelu pomoći koja nije obuhvaćena Kolektivnim ugovorom za radnike BH Telecoma i koja su značajna za rad Fonda solidarnosti za liječenje.

Član 2.

Fond solidarnosti za liječenje se formira u cilju pružanja materijalne pomoći članovima OSO Direkcije Sarajevo, koji putem pismene izjave iskažu želju da postanu članovi fonda.

Član 3.

Fond djeluje u sastavu OSO i njim upravlja Sindikalni odbor OSO, odnosno Komisija koju formira Sindikalni odbor. Fond nema svojstvo pravnog lica. Komisija se sastoji od predsjednika Komisije i tri člana koji obavezno moraju biti članovi Sindikalnog odbora. Predsjednik, članovi komisije kao i dr. sci. medicine rada, će po učinku obrađenih predmeta, dobivati određeni iznos sredstava koja će se skidati sa računa Fonda solidarnosti.

Član 4.

Sredstva Fonda solidarnosti formiraju se mjesečnim izdvajanjem **10.00 (deset) KM** iz plaće svih članova Fonda, donacijama i drugim prihodima.

II PRAVO NA MATERIJALNU POMOĆ

Član 5.

Pravo pomoći iz Fonda solidarnosti imaju: članovi Fonda, članovi porodice-člana Fonda (uža porodica). Članom uže porodice smatraju se bračni drug i djeca (bračno/vanbračno, usvojeno, pastorče i dijete bez roditelja uzeto na izdržavanje) do 16 godina života, odnosno do 25 godina koja se nalaze na redovnom školovanju.

Član fonda može ostvariti pomoć nakon šest mjeseci pristupa fondu.

Jednokratna materijalna pomoć po teškom oboljenju može se dodijeliti članu Fonda ili članu njegove uže porodice, **ali pravo stječe samo jednom**. Uplate će se vršiti linearno u visini od **500.00 KM**.

Član 6.

Svaki član Fonda ostvaruje svoje pravo u punom iznosu definisanim članom 8. ovog Pravilnika.

Materijalna pomoć može biti jednokratna kod teških oboljenja i teških operativnih zahvata.

III KRITERIJI I MJERILA ZA POMOĆ

Član 7.

Član Fonda solidarnosti ima pravo na pomoć u slučajevima:

- a) Teških bolesti i teških oboljenja člana Fonda, te članova njegove uže porodice kojim se ostvaruje naknada, čiji je prilog „Lista teških bolesti temeljem kojim član Fonda, ostvaruje na nadoknadu za slučaj teške bolesti“.
- b) Kupovine lijekova.
- c) Nabavke ortopedskih pomagala: Fond neće finansirati niti učestvovati u participaciji određenih pomagala i usluga kao što su: medicinska vještačenja u prvostepenom postupku, silikoni (osim u slučaju karcinoma dojke), zubna (stomatološka) protetika ili bilo koji stomatološki zahvati (osim u slučaju teških oboljenja koja ugrožavaju život), estetska korekcija ili bilo koji zahvati koji nisu u cilju liječenja.

Član 8.

Pomoć se može dati u traženom iznosu ili u procentualnom učešću Fonda solidarnosti, zavisno od sredstava sa kojim Fond raspolaže.

- a) Fond će troškove teških operativnih zahvata i teških bolesti člana Fonda i članova njegove uže porodice u javnim zdravstvenim ustanovama, isplaćivati u cjelosti, a maksimalno do 10.000 KM.
- b) Troškove kupovine lijekova koji nisu na esencijalnoj listi za člana Fonda i članove njegove uže porodice Fond će nadoknaditi kada pojedinačna cijena lijeka prelazi 50 KM. Račun ne može biti stariji od tri mjeseca.
- c) Troškove nabavke ortopedskih pomagala, Fond će participirati u visini od 30 posto, a maksimalno do 3.000 KM, ukoliko cijena pomagala prelazi iznos od 300 maraka.

Član 9.

Troškovi operativnih zahvata, bolničkog liječenja će se uplaćivati na račun ustanove koja pruža uslugu, a ostale pomoći će se isplaćivati na račun člana Fonda koja će se skidati sa računa **Raiffeisen BANK TRN:16100000035600175** i računa **INVESTICIONO-KOMERCIJALNA BANKA DD Račun broj:1344701001250865.**

Komisija će isključivo razmatrati zahtjeve za isplatu troškova pregleda kod privatnih ili javnih zdravstvenih ustanova, kao i sličnih troškova koji su u skladu sa kriterijima i mjerilima utvrđenim ovim pravilnikom.

Podnešene zahtjeve sa pratećom dokumentacijom za isplatu jednokratne pomoći, po osnovu teškog oboljenja ili teškog invaliditeta proslijedit će se: Zavodu za zdravstvenu zaštitu radnika u saobraćaju u javnim zdravstvenim ustanovama, radi pribavljanja mišljenja i ocjene o ispunjavanju uvjeta za isplatu jednokratne pomoći.

IV PODNOŠENJE ZAHTJEVA

Član 10.

Zahtjev za dodjelu pomoći član Fonda podnosi OSO čiji je član.

Uz zahtjev dostavlja svu potrebnu dokumentaciju: nalaze komisije, mišljenje ljekara specijaliste, originalni računi, otpusno pismo, troškove liječenja, troškove za nabavku ortopedskih pomagala i druge prateće dokumente, koji ne mogu biti starija od tri mjeseca.

Član 11.

Komisija razmatra dostavljene zahtjeve i donosi pismenu odluku o dodjeli pomoći, a u skladu sa ovim Pravilnikom.

Primjerak odluke o dodjeli pomoći dostavlja se podnosiocu zahtjeva.

Ako Komisija ocijeni da tražena pomoć prelazi mogućnosti Fonda, te da su potrebna dodatna sredstva, zahtjev dostavlja Sindikalnom odboru OSO uz prijedlog za dodjelu određenog iznosa pomoći za svaki pojedinačni slučaj.

Prijedlog Komisije mora biti pismeno obrazložen. U toku jednog mjeseca komisija može odobriti pomoći u tolikoj vrijednosti da na računu mora ostati onoliko sredstava kolika je vrijednost ukupnih primanja (članarine svih članova) u posljednja tri mjeseca.

Ukoliko se zahtjev odbija, podnosiocu zahtjeva obavezno treba vratiti ljezarsku dokumentaciju koju je dostavio uz zahtjev.

Ove izmjene će se izvršiti isti dan po donošenju Odluke.

Pravilnik stupa na snagu isti dan po donošenju Odluke.

Član 12.

Podnosilac zahtjeva može staviti prigovor na odluku Komisije za dodjelu pomoći u roku od osam dana.

Prigovor se dostavlja Sindikalnom odboru koji će odlučiti o opravdanosti prigovora i donijeti konačnu odluku.

V KONTROLA FONDA

Član 13.

Novčana sredstva Fonda polažu se na račun za liječenje, a vodi se odvojena evidencija o utrošku sredstava Fonda.

Član 14.

Neutrošena sredstva Fonda u jednoj godini prenose se u narednu godinu.

Član 15.

Kontrolni uvid u korištenje sredstava Fonda, u skladu sa donešenim aktima OSO, vrši Nadzorni odbor OSO.

Nadzorni odbor podnosi izvještaj Sindikalnom odboru o pravilnosti korištenja sredstava Fonda, računu, vođenju knjigovodstvenih poslova i predlaže mjere za rad Fonda.

VI ZAVRŠNE ODREDBE

Član 16.

Pravilnik stupa na snagu danom donošenja od strane Sindikalnog odbora OSO, a primjenjivat će se do promjene pravilnika od strane Sindikalnog odbora OSO, poslije prve uplate svakog člana pojedinačno.

Član 17.

Prijedlog za izmjenu i dopunu ovog Pravilnika mogu podnositi članovi Fonda i Komisija za dodjelu pomoći u OSO.

Svi prijedlozi za izmjenu i dopunu Pravilnika dostavljaju se Sindikalnom odboru OSO u pismenom obliku sa potpisom podnosioca prijedloga. Izmjene i dopune ovog Pravilnika vršit će se na način i po postupku za njegovo donošenje.

Član 18.

- a) Fond će troškove teških operativnih zahvata i teških bolesti člana Fonda i članova njegove uže porodice u javnim zdravstvenim ustanovama, isplaćivati u cjelosti, a maksimalno do 10.000 KM, (za djecu do 25 godina koja se školuju 100 posto), a maksimalno do 5.000 KM.
- b) Troškove kupovine lijekova za člana Fonda i članove njegove uže porodice Fond će nadoknaditi kad pojedinačna cijena lijeka prelazi 50 KM ili kod teških oboljenja kad pojedinačna cijena jednog lijeka ne prelazi 50 KM, a ukupna mjesečna terapija premašuje 100 maraka. Račun ne može biti stariji od tri mjeseca.

- c) Troškove nabavke ortopedskih pomagala Fond će participirati u visini od (30 posto), a maksimalno do 3.000 KM, ukoliko cijena pomagala prelazi iznos od 300 maraka.

Fond će troškove nalaza i pregleda, koji se ne mogu dobiti u javnim zdravstvenim ustanovama ili su iznimno hitni (potvrda ljekara), kao i CT snimak i magnetna rezonanca u privatnim zdravstvenim ustanovama za člana Fonda i članove njegove uže porodice snositi 50 posto kad pojedinačna cijena nalaza ili pregleda prelazi 50 KM.

Maligna (kancerogena) oboljenja, teški oblici dijabetesa, mentalni poremećaji i poremećaji ponašanja (šizofrenija, duboka mentalna zaostalost, PTSP sindrom), oboljenja nervnog sistema (distrofija mišića, Parkinsonova bolest, Alzheimerova bolest, epilepsija, multiple skleroza, vodena glava, paraliza), gubitak vida, gubitak sluha, teško kožno oboljenje-lupus, operacija srca, infarct srca, plućana embolija, moždani udar, teška oboljenja bubrega, Daunov sindrom i operacija kičme.

VAŽNO: Teška oboljenja dokazuju se historijom bolesti i nalazom ovlaštenog ljekara-specijaliste, a ne mogu biti stariji od tri mjeseca.

Sarajevo, SINDIKALNI ODBOR
OSO DIREKCIJE SARAJEVO